

Willemstad, 22 di mart 2021

Apresiabel kliente:

Tópiko: GI-RO Settlement Holding N.V. ta hasi pago di depósito riba kuenta koriente i/òf di spar

Bo ta risibí e karta akí komo ku bo tin un kuenta koriente òf di spar na Girobank N.V. (Girobank) i e depósito riba e kuenta, òf parti di dje, ta kongelá (fris). Den e karta akí, lo bo risibí informashon adishonal tokante e pago ku pronto GI-RO Settlement Holding N.V. (GSH) lo hasi di bo depósito kongelá (òf parti di dje).

GSH lo hasi pago di depósito

Manera ta konosí, dia 10 di desèmber 2019, a pone un moratorio i a fris tur depósito riba kuenta koriente i di spar di Girobank ku ta riba NAf. 10.000. Pais Kòrsou a establese GSH den kuadro di e terminashon kontrolá di e operashonnan di Girobank. GSH a tuma e fiansanán pendiente di Girobank i lo sigui atministrá i kobra e fiansanán akí, anto usa e entrada pa paga e titularnan di kuenta di Girobank.

Via Girobank, pronto GSH lo hasi un promé pago na e titularnan di kuenta di Girobank. Ku e pago akí, e titularnan di kuenta lo por risibí nan depósito kongelá, te na un máksimo di NAf. 1.200.000 (di awor padilanti: e pago). Ta premirá ku e pago lo por tuma lugá pronto.

Por lo pronto, depósito riba NAf. 1.200.000 lo keda kongelá. No ta konosí ainda ki dia lo por hasi mas pago. Esei ta dependé entre otro di kobransa di e fiansanán ku GSH a tuma na su enkargo i kon e terminashon kontrolá di e operashonnan di Girobank lo sigui desaroyá. Na su debido tempu, GSH i/òf Girobank lo informá e depositantenan ku tin un depósito riba NAf. 1.200.000 tokante esei.

Lo deskontá debe ku a vense

Si bo tin un debe na Girobank ku a vense – por ehèmpel, un fiansa òf otro tipo di finansiamentu ku tin pago atrasá riba dje – lo deskontá e debe ei for di bo depósito i bah'é for di e suma ku bo por lanta di e depósito kongelá. Girobank lo tuma kontakto ku bo apart tokante esei.

Si bo tin debe òf otro tipo di finansiamentu ku no a vense, tambe bo tin e posibilidat di sea baha òf kanselá bo debe. Tuma kontakto libremente ku Girobank tokante e posibilidat ei.

Opshon di pago

Bo tin e siguiente opshonnan pa risibí e pago di bo depósito kongelá.

(1) Transferensia pa un otro kuenta di banko

Bo por transferí e pago ku bo a risibí di bo depósito pa un kuenta na un otro banko di bo preferensia. Si bo no tin un kuenta na un otro banko, nos ta rekomendá bo habri unu mas pronto posibel.

Pa hasi un transferensia, bo por:

1. Usa online banking di Girobank (djis tene kuenta ku e límite diario¹ ku ta konta pa online banking);
2. Un formulario di transferensia. Por pidi unu via e-mail na info@girobank.com, yen'é i entreg'é na Girobank. Por optené e formulario di transferensia na ofisina di Girobank na Scharloo tambe. Sin embargo, debí na e situashon aktual di COVID-19, ta mihó si no bishitá e filialnan di Girobank (Skalo òf Janwe). Nos ke supliká bo pa, por favor, kumpli ku e medidanan actual relashoná ku COVID-19 na tur momento ora bo bishitá nos filialnan.

(2) Lanta sèn na ATM

¹ Si komo kliente bo tin online banking, bo por adaptá e límitenan diario akí via online banking mes.



Si bo ke disponé di e pago di bo depósito kèsh, bo por lanta sèn na un ATM. Tene kuenta sí ku tin un suma máksimo ku por lanta pa dia na ATM.

Sin embargo, nos ke hala bo atenshon na e riesgo di lanta suma grandi di sèn kèsh i, p'esei mes, ta rekomendá pa bo no lanta tur bo sèn kèsh. Ta mihó si bo transferí e suma di bo pago pa un otro kuenta di banko.

Por último

E pago ku GSH lo hasi na bo lo konta komo pago di loke Girobank ta debe bo. Girobank i GSH a kumbiní ku, den e kasonan akí, e debe ku Girobank tin ku bo ta pasa pa GSH via 'suprogashon.' Den e kaso ei, Girobank mes lo no tin un debe serka bo mas. E karta aki ta konta komo notifikashon di esei tambe, den e sentido di artíkulo 6:150, insiso d di Kódigo Sivil.

Pregunta

Si bo tin pregunta tokante esaki, tuma kontakto libremente ku Girobank via e-mail info@gironet.com òf bèl +599 9 433 9130.

Un kordial saludo,


Girobank N.v.